

viore (♀), incisura exteriori fracturae sat profunda; membrana areola majore semiovali, minore parvula¹; xypho prosterni immarginato; coxis anticis apicem mesosterni attingentibus; femoribus posticis sat brevibus et fortiter incrassatis, tibiis spinulosis, tarsis longiusculis, articulo posticorum secundo primo longiore tertioque paullo brevior, unguiculis leviter arcuatis.

Str. saliens REUT.

Niger, sat nitidus, praecipue inferne squamis albis facile divellendis vestitus, antennis articulis duobus ultimis luteis (♀) vel dilute fuscis, tertio basin versus lutescente (♂), tibiis anterioribus apicem versus late tarsisque flavicanti-albidis vel pallide testaceis, illis nigro-spinulosis, extremo apice nigro, his apice nigris; capite basi pronoti circiter $\frac{1}{3}$ — $\frac{2}{5}$ angustiore, vertice oculo circiter duplo et dimidio (♂) vel fere triplo (♀) latiore; antennis articulo secundo margini basali pronoti aequae longo (♂) vel hoc parum brevior (♀), tertio secundo paullo (♀) vel $\frac{1}{4}$ (♂) brevior; pronoto basi longitudine paullo minus quam duplo latiore; hemielytris feminae postice basi pronoti saltem dimidio latioribus. Long. ♀ $2\frac{1}{2}$ — $2\frac{3}{4}$, lat. hemielytrorum ♀ $1\frac{2}{3}$ mm.

Texas (spec. typ.); California, D. COUILLETT; Greensburg, Pa, D. HEIDEMANN.

↓ *Plagiognathus moerens* n. sp. — *Macrotylus moerens* UHLER in litt.

Oblongus, inferne niger, superne fulvus, nigro-pilosus, pilis retrorsum vergentibus; caput fusco vel nigro, apicem versus saepe pallidior, margine verticis postico flavo; pronoto colore sat variabili, fascia per callos ducta vel parte tota apicali nigra, interdum etiam disco postico fuscescente; scutello nigro vel angulis basalibus fulvis; clavo margine scutellari commissuraeque, corio plaga magna magis minusve dilatata saepeque etiam margine costali nigris; cuneo fulvo vel fulvo-rufo; membrana nigrofumata, venis pallidis; rostro antennisque nigris; pedibus testaceis, nigro-pubescentibus, femoribus praecipue posticis seriatim nigricanti maculatis, his interdum fere totis nigricantibus, tibiis nigro-spinulosis, nigro-punctatis, ima basi apiceque nigris, tarsis totis nigris; capite basi pronoti $\frac{2}{5}$ angustiore; vertice oculo fere $\frac{1}{3}$ (♂) vel circiter duplo (♀) latiore; oculis laevibus; rostro coxas posticas sat longe superante; articulo secundo antennarum margine basali pronoti paullo longiore (♂) vel huic aequae longo (♀), articulis duobus ultimis simul sumtis secundo longitudine subaequalibus; pronoto basi longitudine fere duplo latiore. Long. $4\frac{4}{5}$ (♀)— $5\frac{1}{2}$ (♂), lat. 2 (♂)— $2\frac{1}{2}$ (♀) mm.

Claremont, Cal. D. BAKER; Natl. Park, Wy., d. 3 aug. D. O. HEIDEMANN.

Species colore, rostroque longo a reliquis distincta.

↓ *Plagiognathus confusus* n. sp.

Oblongus, inferne nigro-fuscus, superne virescenti-flavus, flavo-pilosus, pilis subadpressis maculis frontis interdum confluentibus, marginibusque orbitalibus fuscescentibus; pronoto callis fuscis; corio maculis exterioribus indeterminatis obsoletis dilute fuscescentibus; cuneo fulvo, basi pallidior; membrana fumata, venis pallidis; rostro nigro-fusco; antennis nigris; pedibus testaceis vel virescenti-flavis, femoribus seriatim nigro-punctatis, tibiis nigro-spinulosis, nigro-punctatis, ima basi apiceque anguste nigricantibus, tarsis nigro-fuscis; capite basi pronoti circiter $\frac{2}{5}$ angustiore, vertice oculo circiter $\frac{3}{4}$ (♂) vel duplo (♀) latiore, oculis lae-

¹ Membranam olim uni-areolatam false descripsi.